

1620.

Le 7. de Iuillet nous mouillafmes l'anchre au moulin Baudé, à vne lieuë du port de Tadouffac, ayant eſté deux mois à la trauerſe de noſtre voyage, où vn chacun loüa Dieu de nous voir à port de ſalut, & principalement moy, pour le ſuiet de ma famille, qui auoit beaucoup enduré d'incommoditez en cette faſcheuſe trauerſe.

Bateau qui vient à leur bord, où eſtoit le frere de la femme de l'Autheur.

Le lendemain vn petit bateau vient à noſtre bord, qui nous dit que le vaiſſeau où eſtoit le Sieur Deſchefnes, party vn mois auparauant nous, eſtoit arriué, qui fut prés de deux mois à ſa trauerſe (1). Le Sieur Boullé, mon beau frere eſtoit en ce bateau, qui fut fort eſtonné de voir ſa ſœur, & comme elle s'eſtoit reſoluë de paſſer vne mer ſi faſcheuſe, & fut grandement reſiouy, & elle & moy auprealable; lequel nous dit que deux vaiſſeaux de la Rochelle, l'vn du port de 70. tonneaux, l'autre de 45. eſtoient venus proche de Tadouffac traiter; nonobſtant les deffences du Roy, & auoient couru fortune d'eſtre pris par ledit Deſchefnes proche du Bicq, à 15. lieuës de Tadouffac, neantmoins ſe ſauuerent comme meilleurs voilliers. Ils emporterent cette année nombre de peleteries, & auoient donné quantité d'armes à feu, avec poudre, plomb, meſche, aux Sauuages; choſe tres-pernicieuſe & preiudiciable, d'armer ces infideles de la façon, qui s'en pourroyent ſeruir contre nous aux occaſions. Voila comme touſiours

Vaiſſeaux Rochelois venus prés de Tadouffac nonobſtant les deffences du Roy.

Armerent les Sauuages.

(1) Ce vaiſſeau étoit *la Sallemande*. On voit, par une lettre du P. Jamay, qui y étoit paſſager, avec Frère Bonaventure, qu'il partit de Honſleur le 5 d'avril, et arriva à Tadouſſac le 30 mai. « Nous nous diuiſames en deux bandes, » dit-il. « Le partis le premier avec l'vn de nos freres appellé F. Bonaventure, dans le premier Nauire, qu'on nomme la Sallemande; nous ſortifmes du Haure de Honſleur le Dimanche de la Paſſion » (qui, cette année, 1620, tombait le 5 avril), « & arriuâmes le Samedy des Oſtaues de l'Ascenſion » (30 mai), « dans le port de Tadouſſac. » (Sagard. *Hist. du Canada*, p. 58.)